



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

296. Kurfürst Joachim verspricht den Brüdern Joachim und Georg Maltzan,
daß die kaiserliche Erhebung in den Freiherrenstand ihren Lehnrechten
unschädlich sein soll, am 11. August 1530.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

296. Kurfürst Joachim verspricht den Brüdern Joachim und Georg Malsan, daß die kaiserliche Erhebung in den Freiherrnstand ihren Lehnrechten unschädlich sein soll,
am 11. August 1530.

Wyr Joachim, von gots gnaden marggraf zu Brandenburg, des heyligen romischen reichs ertzchamerer vnd churfurst, zu Stettin, Pommern, der Cassuben vnd wenden hertzog, burggraf zu Nuremberg vnd furst zu Rugen, bekennen offentlich fur vns, vnser erben vnd yedermeniglich, nachdeme die keyserliche maiestat, vnser allgnedigster herr vnd konigliche durchleuchtigkeit, zu Hungern vnd Beheim etc., aus sonderlichen gnaden vnsern rath, die edelen vnd erenvehsten vnserer liebe getrewen, er Joachim vnd Gurgen Moltzane, gebrodere, zw freyherrn des heyligen romischen reichs vnd der cron Beheymen erhebt, erhohett vnd begnadet, nach lawt vnd einhalt der maiestat briue etc., vnd gemelte Moltzane aus sonderlichen beweglichen vrsachen solichen freyhern standt antzunemen vervrpflicht, das wir vff ir diemutigs dienlichs vnd vnderthenigs ansuchen sie gnediglich neben andern iren herrn vnd freunden dartzw geraten, inen auch zugesagt vnd sagen inen zw inn krafft vnd macht dis brieffs fur vns vnd vnser erben, das inen, iren erben vnd erbnehmen, auch den andern Moltzanen vnd derselben erben solche veranderinge vnd ehrliche erhohunge ires standes an iren gesampten lehen, darinn sie vnd alle Moltzane mit sampter hant vnd lehen sitzen, auch an allerley lehen vnd erbellen soll vnnschedlich sein, wie das durch menschen synne mag gedacht werden, nichts ausgeschlossen, doch vns an vnsern churfurstlichen obrigkeiten, mandiensten vnd sonst eynem yedern an seinen rechten vnnschedlich. Alles getrewlich vnd vngeuerlich. Des zu vrkunt mit vnserm anhangenden ingesigel vorfigelt vnd vnser eigen hant vndersehrieben. Gegeben zw Augspurg, dornstags nach Laurencii, nach Christi vnser lieben hern geburt funffzehen hundert vnd darnach im dreyffsigsten iare.

Manu propria subscripsit.

Wolfgangus Ketwigg,
Doctor et Cancellarius subscripsit.

1530 a. a. D. v, 96.